

## **BASES**

Bases específiques reguladores dera convocatòria entara concession d'abonaments annaus deth Palai de Gèu de Vielha entar exercici 2017.

### **1.- Objècte dera convocatòria.-**

Er objècte dera convocatòria ei regular era concession de 4 abonaments annaus, qu'autreje er Ajuntament de Vielha e Mijaran, entà qu'es esportistes de naut nivèu poguen accedir gratuïtament as installacions deth Palai de Gèu damb er objectiu de promòir e dinamizar era activitat esportiva cossent damb çò que dispause er article 6 dera Ordenança generau reguladora de subvencions der Ajuntament de Vielha e Mijaran (BOP num. 33 de 9 de març de 2006), que s'amien a tèrme pendent tot er exercici 2017.

### **2.- Regim juridic.-**

Seràn d'aplicacion eth Decrèt 179/1995, de 13 de junh, peth quau s'apròve eth Reglament d'Òbres, Activitats e Servicis des Ens Locaus de Catalunya; era Lei 38/2003, de 17 de noveme, Generau de Subvencions; era Ordenança generau reguladora de subvencions der Ajuntament de Vielha e Mijaran mès ensús nomenada e, en tot çò non previst específicament, seràn d'aplicacion es Bases d'Execucion deth pressupòst generau der Ajuntament de Vielha e Mijaran entar exercici 2017, atau coma er auta normativa legau vigenta que sigue d'aplicacion.

### **3.- Quantitat e aplicacion pressupostària.-**

Es quantitats des subvencions que s'autregen damb aquest concepte anaràn a cargue dera partida pressupostària 2017-1-34100-48026 deth Pressupòst generau der Ajuntament de Vielha e Mijaran der exercici 2017, e non poderàn excedir des quantitats assignades per aquest concèpte en dita partida.

### **4.- Durada.-**

Era concession d'abonaments serà vigenta pendent tot un an des d'era resolucion deth procediment.

### **5.- Beneficiaris.-**

Poiràn optar ara concession que regulen aquestes bases es esportistes de naut nivèu, personas físiques non professionals e en actiu, inscrites en entitats esportives dera comarca, que siguen en possession dera corresponenta licència que realizen era activitat qu'originèc er autrejament o que legitimize era sua concession e qu'acrediten era sua residència en municipi.

### **6.- Presentacion de sollicituds.-**

Eth tèrme de presentacion de sollicituds començarà a compdar des dera aprobacion dera convocatòria enquia eth dia 1 de noveme de 2017.

Es sollicituds e era rèsta de documentacion (article 11 dera Ordenança reguladora) s'auràn de presentar en Registre Generau der Ajuntament de Vielha e Mijaran en orari d'oficina (de 9.00 a 14.00 ores), o per quinsevolh des mieis determinadi en article 88.4 dera Lei 39/2015, d'1 d'octobre.

S'aurà d'utilizar eth Modèu 001 de sollicitud de subvencions que serà a disposicion des sollicitants en madeish Registre sense qu'en cap de cas, s'admete d'auta forma de presentacion que non sigue aquest Modèu 001.

Es sollicituds, un còp registrades, serviràn de comprovant pes sollicitants.

## **7.- Òrgans competenti entara instruccion e era resolucio deth procediment.-**

Er òrgan responsable dera instruccio deth procediment entà autrejara es concessions d'abonament previstes ena present convocatòria serà era Junta de Govern Locau.

Er òrgan responsable dera resolucio deth procediment entà autrejara es concessions previstes ena present convocatòria serà era Junta de Govern.

Entara avaloracion des projèctes o programes subvencionables se designe ua comission qualificadora compausada per:

- Er Alcalde, que serà qui presidisque era comission.
- Un/ua còsso o treballador/a der Ajuntament designat pera Presidència dera Corporacion.
- Eth còsso d'Espòrts, o persona en qui delegue.
- Eth director deth Palai de Gèu o es tecnicos d'Espòrts der Ajuntament de Vielha e Mijaran.
- Es foncions de secretaria dera comission qualificadora seràn exercides pera Secretària Municipau, o persona en qui age delegat.

## **8.- Critèris d'avaloracion des sollicituds.-**

Es sollicituds se priorizaran en foncion des punts arthenhuts damb era aplicacion deth barèm d'esportistes de naut nivèu segons eth Decrèt 337/2002, deth 3 de deseme, sus eth naut rendiment.

Consultar Annex 1 sus eth barèm d'esportistes de naut nivèu e Annex 2 sus barèm d'esportista paralímpic o paralímpica de naut nivèu en Decrèt 337/2002, deth 3 de deseme.

## **9.- Concession, resolucio, notificacio e acceptacio.-**

Era concession corresponderà ar autrejament d'un abonament annau entà accedir ara installacion esportiu Palai de Gèu, de caràcter personau e intransferible e damb durada d'un an.

Era Comission qualificadora elaborarà ua prepausa d'autrejament, cossent damb es critèris a qué s'a hèt referéncia en article anterior, prepausa que s'a de lheuar ara Junta de Govern Locau der Ajuntament de Vielha e Mijaran entara sua resolucio en tèrme maxim de tres (3) mesi des dera data d'acabament deth tèrme de presentacion de sollicituds. Transcorrut aquest tèrme sense que s'age notificat eth sòn autrejament, s'entenerà qu'es sollicituds an estat desestimades.

S'entenerà acceptada era concession des abonaments per part des persones fisiques beneficiaries se en tèrme de 15 dies, compdadi a partir dera data dera notificacio, non an manifestat expressament era renóncia. En cas que quauqua d'eres renonciésse expressament, se poderà acordar ua adjudicacion subsidiària respècte as projèctes presentadi qu'agen quedat classificats ena posicion immediatament posterior segons era puntuacion der òrgan de seleccion qualificador se, a judici sòn, amassen es condicions minimas de viabilitat.

Quan se considère acceptada era concession, era persona beneficiària accèpte es normes d'accès ara installacion esportiu entà desvolopar eth sòn entrenament.

Era resolucio serà notificada a toti es sollicitants de manèra individualizada en tèrme maxim de dètz dies a compdar des dera data d'aprobacion dera resolucio.

## **10.- Transparéncia e bon govèrn.-**

A.- Er article 55.2 dera Lei deth Parlament de Catalunya 19/2014, de 29 de deseme, de Transparéncia, Accés ara Informacion e Bon Govèrn, dispause qu'es administracions e es organismes comprenudi en ambit d'aplicacion d'aquesta lei an d'inclodir, enes bases de convocatòria de subvencions o ajuts, es principis etics e es règles de conducta as quaus an

d'adequar era activitat es persones beneficiàries, e an de determinar es efèctes d'un eventuaiu incompliment d'aguesti principis. As efèctes de dar compliment ara nomentada obligacion legau s'informe que:

1. Es persones beneficiàries adoptaran ua conducta eticament exemplara e actuaran entà evitar era corrupcion en quinsevolha de totes es sues possibles formes.
2. En aquest sentit – e ath marge d'aqueri auti deuers vinculadi ath principi d'actuacion nomentat en punt anterior, derivats des principis etics e des regles de conducta as quaus es persones beneficiàries an d'adequar era sua activitat – assumissen particularament es obligacions següentes:
  - Comunicar immediatament ar Ajuntament de Vielha e Mijaran es possibles situacions de conflicte d'interèsi.
  - Non sollicitar, dirèctaments o indirèctaments, qu'un cargue o empleat public influisque en autrejament dera subvencion.
  - Non aufrir ne facilitar a cargues o empleats publics avantatges personaus o materiaus, ne per eri madeishi ne entà persones vinculades damb eth sòn entorn familiar o sociu.
  - Non realizar quinsevolha auta accion que pogue vulnerar es principis d'igualtat d'oportunitats de liure concurrència.
  - Non realizar accions que meten en risc er interès public.
  - Respectar es principis de liure mercat e de concurrència competitiua, e abstenguer-se de realizar conductes qu'agen per objècte o poguen produsir er efècte d'impedir, restringir o falsejar era competència, coma per exemple es comportaments collusòris o de competència fraudulenta (aufèrtes de resguard, eliminacion d'aufèrtes, assignacion de mercats, rotacion d'aufèrtes, eca.) Atau madeish, denonciar quinsevolh acte o conducta dirigida ad aqueres finalitats e relacionadi damb er autrejament de subvencions des quaus n'auesse coneishement.
  - Non utilizar informacion confidenciau, coneishuda mejançant era subvencion, entà obtier, dirèctaments o indirèctaments, un auantatge o benefici economic en interès pròpri.
  - Observar es principis, es normes e es canons etics pròpris des activitats, es mestièrs e/o professions corresponentes as activitats subvencionades.
  - Collaborar damb er Ajuntament de Vielha e Mijaran enes actuacions qu'aguest realize entath seguiment e/o avaloracion deth compliment dera finalitat dera subvencion, particularament facilitant era informacion que li sigue sollicitada entad aquestes finalitats.
  - Denonciar es actes des quaus n'agen coneishement e que poguen comportar ua infraccion des obligacions contiengudes en aquesta clausula.
3. Er incompliment de quinsevolha des obligacions contiengudes en anterior apartat 2 per part des persones beneficiàries, serà causa de revocacion dera subvencion, sense perjudici d'aqueres autes possibles conseqüències previstes ena legislación vigenta.

B.- Es beneficiaris auràn d'estar ath corren enes sues obligacions tributaries damb era Agencia Estatal de la Administración Tributaria , la Tesoreria General de la Seguridad Social e damb er Ajuntament de Vielha e Mijaran.

C.- Següentes eth RD 828/2013 de 25 d'octubre, er Ajuntament ei obligat a declarar era Agencia Tributaria, relacion de totes es persones e entitats qu'agen rebut ua subvencion, independentment deth sòn impòrt.

D.- En compliment de çò previst ena Lei Organica 15/1999 se hè a constar qu'es donades personaus derivades deth compliment des obligacions previstes ena Lei 38/2003, generau de subvencions entà eth contròtle e justificacion dera destinacion dera quantia des subvencions

autrejades per Ajuntament de Vielha e Mijaran seràn incorporades as fichièrs de gestion administratiua der Ajuntament damb era finauetat abantes expausada.

E.- En compliment de çò previst en Art. 20 dera Lei de subvencions, er Ajuntament de Vielha e Mijaran comunicarà aquestes donades as autes administracions publiques que l'ac demanen entath contròtle d'autes subvencions sollicitades pes beneficiaris.

F.- Es beneficiaris auràn de méter en un lòc visible deth sòn equipament bèth distintiu damb eth logotip der Ajuntament de Vielha e Mijaran, coma entitat collaboradora.

Vielha, 23 de seteme de 2017

Er Alcalde, Juan Antonio Serrano Iglesias

---

**Diligència.-** Entà hèr a constar qu'aquestes bases an estat aprovades pera Junta de Govèrn Locau en session deth dia 26 de seteme de 2017.

Era Secretària, Pilar Hervada Vidal

**MODEL 001 - CONCESSION ABONAMENT DETH PALAI DE GÈU AN 2017**

**Donades deth representat**

Nòm \_\_\_\_\_ Cognoms \_\_\_\_\_  
Adreça \_\_\_\_\_  
Municipi \_\_\_\_\_ Telefon \_\_\_\_\_  
DNI \_\_\_\_\_ E-mail \_\_\_\_\_

---

**1. Donades deth sollicitant / interessat.**

Nòm \_\_\_\_\_ Cognoms \_\_\_\_\_  
Adreça \_\_\_\_\_  
Municipi \_\_\_\_\_ Telefon \_\_\_\_\_  
DNI \_\_\_\_\_ E-mail \_\_\_\_\_

**2. Sollicitud.**

Se li concedisque un abonament entà poder hèr usatge des installacions deth Palai de Gèu de Vielha entà realizar eth sòn entrenament.

**3. Motiu dera sollicitud dera concession.**

Formar part de:

Grops de competicion e resultats esportius arthenhuts tempsada 2015/2016 o 2016/2017:

JJOO / Campionat deth mon

\_\_\_\_\_  
\_\_\_\_\_  
\_\_\_\_\_

CAMPIONAT D'EUROPA

\_\_\_\_\_  
\_\_\_\_\_  
\_\_\_\_\_

COMPETICION INTERNACIONAU

\_\_\_\_\_  
\_\_\_\_\_  
\_\_\_\_\_

**4. Declaracion**

Eth/Era jos-signant \_\_\_\_\_  
Damb DNI \_\_\_\_\_, domiciliat en \_\_\_\_\_  
telefono \_\_\_\_\_ en nòm pròpi, sollicite era concession peth motiu mès  
ensús especificat, e assumint totes es responsabilitats que se poguen derivar dera sua  
realizacion, se compromet a complir era normativa legau vigenta entad aguesta sòrta d'ajuts e  
DECLARE:

- Qu'es donades contengudes en aguesta sollicitud e es documents que se i adjunhen corresponen ara activitat que realize.
- Que non se trape incors en cap des supòsits que dispausa er art. 13.2 der Lei 38/2003, Generau de Subvencions.
- Que accepti/acceptam era concession que se mos pogue autrejjar atau coma es condicions fixades entath sòn autrejament.

- Que non a contret cap deute damb er Ajuntament de Vielha e Mijaran ne damb es sòns organismes autònoms ne societats mercantiles qu'en depenen.
  - Que se trape ath corrent en pagament des sues obligacions damb era Tresaureria dera Seguretat Sociu e era Aciénda Publica.
  - Que, en cas que se li autrege era concession, se compromet a hèr publicitat actiua enes hilats sociaus sus era installacion esportiuia Palai de Gèu.
- Que autorizi a sollicitar dera Tesoreria General de la Seguridad Social e dera Agencia Tributaria es donades relatives ath compliment des obligacions de Seguretat Sociu e tributàries entà comprovar eth compliment des requisits establidi ena Lei 38/2003, de 17 de noveme, Generau de Subvencions, entara tramitacion dera subvencion que aciu se sollicite.
- Conforme a çò establiti ena Lei 11/2007 d'Accès electronic des ciutadans as servicis publics e d'auta legislacion en vigor, autorizi ar Ajuntament de Vielha e Mijaran, en relacion damb era presenta sollicitud, a que m'envie notificacions ara mia direccion de corrèu electronic.

Vielha, \_\_\_\_\_ de \_\_\_\_\_ de 2017

Signatura deth sollicitant

Illustre senhor Alcalde der AJUNTAMENT DE VIELHA E MIJARAN

---

**AVÍS LEGAU**

Es donades personaus contiengudes ena presenta instància son arremassades jos eth consentiment der interessat, seràn objècte de tractament automatizat e incorporadi enes fichèrs d'informacion der Ajuntament de Vielha e Mijaran que se trapan inscrit en Registre dera Agència Espanhòla de Proteccion de Donades. Eth sòn usatge se restringirà exclusivament ara gestion municipau, podent cedir-se o comunicar-se a d'autres Administracions Publiques o tresaus enes supòsits previsti ena Lei Organica 15/1999 de 13 de deseme de Proteccion de Donades de Caractèr Personau. Es interessadi poderàn exercitar ath dauant dera unitat municipau de Règim Interior, es drets d'accés, cancellacion, rectificacion e oposicion, enes tèrmes establidi pera lei indicada. Atau madeish, era unitat tramitadora se resèrve era possibilitat de recaptar quinsevolh tipe de documentacion complementària entara corrècta gestion deth tramit sollicitat, en vertut de çò establiti en Art. 11 deth RD 1720/2007.